

2009 жылы азаматтарды мерзімді әскери қызметке шақыруды өткізу туралы

Күшін жойған

Қарағанды облысының әкімдігінің 2009 жылғы 04 мамырдағы N 12/06 қаулысы. Қарағанды облысының әділет Департаментінде 2009 жылғы 27 мамырда N 1867 тіркелді. Күші жойылды - Қарағанды облысының әкімдігінің 2010 жылғы 04 мамырдағы N 13/16 қаулысымен

Ескерту. Күші жойылды - Қарағанды облысының әкімдігінің 2010.05.04 N 13/16 қаулысымен.

Қазақстан Республикасының 2005 жылғы 8 шілдедегі "Әскери міндеттілік және әскери қызмет туралы" Заңының 19, 20, 23 баптарына, Қазақстан Республикасының 2001 жылғы 23 қаңтардағы "Қазақстан Республикасындағы жергілікті мемлекеттік басқару және өзін-өзі басқару туралы" Заңының 27 бабына сәйкес, Қазақстан Республикасы Президентінің 2009 жылғы 1 сәуірдегі "Белгіленген әскери қызмет мерзімін өткерген мерзімді әскери қызметтегі әскери қызметшілерді запасқа шығару және Қазақстан Республикасының азаматтарын 2009 жылдың сәуір-маусымында және қазан-желтоқсанында кезекті мерзімді әскери қызметке шақыру туралы" N 779 Жарлығын жүзеге асыру мақсатында Қарағанды облысының әкімдігі **ҚАУЛЫ ЕТЕДІ:**

1. Шақыруды кейінге қалдыруға немесе шақырудан босатылуға құқығы жоқ он сегізден жиырма жеті жасқа дейінгі ер азаматтар, сондай-ақ оқу орындарынан шығарылған, жиырма жеті жасқа толмаған және шақыру бойынша әскери қызметтің белгіленген мерзімін өткермеген азаматтарды 2009 жылдың сәуір-маусымында және қазан-желтоқсаны аралығында мерзімді әскери қызметке шақыру ұйымдастырылсын.

2. Азаматтарды мерзімді әскери қызметке шақыруды басқаруды үйлестіру және бақылауды ұйымдастыру үшін облыстық шақыру комиссиясы қосымшаға сәйкес құрамда құрылсын.

3. Қалалар мен аудан әкімдіктері:

- 1) қалалық және аудандық шақыру комиссияларын құрсын;
- 2) шақыру комиссияларының жұмысын қамтамасыз ету және мерзімді әскери қызметке шақырылуға жататын азаматтардың шақыру учаскелеріне ұйымдасқан түрде келулері жөніндегі қажетті іс-шаралар қабылдасын;
- 3) шақыру пунктін (шақыру учаскелері) жабдықтауды, дәрі-дәрмекпен, құралдармен, медициналық және шаруашылық мүлікпен, автомобиль көлігімен, сондай-ақ байланыс құралдарымен қамтуды қамтамасыз етсін;

4) қызмет көрсететін медициналық және техникалық қызметкерлердің қажетті санын қамтамасыз етсін.

4. Қарағанды облысының денсаулық сақтау басқармасы (Шайдаров М.З.) қалалық және аудандық медициналық шақыру комиссияларын дәрігер-мамандар және орта медициналық қызметкерлермен толықтырсын, облыстық жинау пунктiнiң базасында шақырылғандарды адам иммунитетi тапшылығы вирусiне тексеру және бақылау флюорографиялық тексеруiн ұйымдастырсын.

5. Қарағанды облысының iшкi iстер департаментi (Рахымберлин Н.А. - келiсiм бойынша) өз құзырының шеңберiнде:

1) қорғаныс iстерi жөнiндегi департаментiнiң басқармалары және бөлiмдерiмен шақыру учаскелерiнде, жөнелту станцияларында, облыстық жинау пунктiнде тәрiптi қамтамасыз етудi ұйымдастыру;

2) әскери мiндетiн орындаудан бас тартқан тұлғаларды iздестiрудi және ұстауды жүзеге асыру;

3) әскери қызметке шақырудан бас тартқан тұлғалардың жеткiзiлуiн қамтамасыз ету ұсынылсын.

6. Қазақстан Республикасының денсаулық сақтау министрлiгiнiң мемлекеттiк санитарлық-эпидемиологиялық қадағалау Комитетiнiң Қарағанды облысы бойынша департаментi (Хамитов Т.Н. - келiсiм бойынша) облыстық жинау пунктi бөлмелерiнiң санитарлық жағдайын бақылауды қамтамасыз ету ұсынылсын.

7. "Қазақтелеком" акционерлiк қоғамының Қарағанды облыстық телекоммуникациялар дирекциясына (Аманов Б.Р.) облыстық жинау пунктiнде байланыс құралдарының үздiксiз жұмысын қамтамасыз ету ұсынылсын.

8. Қарағанды облысының iшкi саясат басқармасы (Любарская И.Ю.), Қарағанды облысының туризм, спорт және дене тәрбиесi басқармасы (Халилин Е.Б.) қорғаныс iстерi жөнiндегi басқармалары және бөлiмдерiмен бiрлесе отырып соғыс, еңбек және Қарулы Күштер ардагерлерiмен кездесулер өткiзумен әскери-патриоттық сипаттағы тәрбиелiк iс-шараларды және Қазақстан Республикасының Қарулы Күштерi, басқа да әскерлерi және әскери құрамаларына шақырушылардың командаларын аттандыру кезiнде спорт ұжымдарының қойылымдарын ұйымдастырсын.

9. Қарағанды облысының мәдениет басқармасы (Омарбекова Р.К.) шақырылғандарды салтанатты шығарып салу күндерi көркемөнерпаз және шығармашылық ұжымдардың өнер көрсетуiн ұйымдастырсын.

10. Қарағанды облысының жұмылдыру дайындығы, азаматтық қорғаныс, авариялар мен дүлей апаттардың алдын алуды және жоюды ұйымдастыру басқармасы (Ибадилдин Ж.И.) шақыруды өткiзумен байланысты iс шараларды өткiзу үшiн облыстың тиiстi ұйымдар және мекемелерiмен қажеттi шарттар

жасассын, олардың орындалуы үшін бақылауды жүзеге асырсын.

11. Қарағанды облысының қорғаныс істері жөніндегі департаменті (Амангелдиев Т.Б. - келісім бойынша) шақыру аяқталған соң облыс әкіміне оның қорытындылары туралы ақпарат тапсырсын.

12. Қарағанды облысы әкімдігінің 2008 жылғы 20 мамырдағы "2008 жылы азаматтарды мерзімді әскери қызметке шақыруды өткізу туралы" N 13/04 қаулысы Қарағанды облысының әділет департаментінде 2008 жылғы 12 маусымының N 1845 тіркелді, "Орталық Қазақстан" газетінің 2008 жылғы 19 маусымдағы N 95, "Индустриальная Караганда" газетінің 2008 жылғы 19 маусымдағы N 76 жариаланды) күшін жойды деп танылсын.

13. Осы қаулының орындалуына бақылау жасау облыс әкімінің орынбасары Р. Қ. Әбдікеревке жүктелсін.

14. Осы қаулы ресми жарияланған күнінен бастап қолданысқа енеді.

Қарағанды облысының әкімі Н. Нығматулин

Келісілді:

Қазақстан Республикасы
Денсаулық сақтау министрлігі
мемлекеттік санитарлық-
эпидемиологиялық қадағалау
Комитетінің Қарағанды облысы
бойынша департаментінің директоры
Т. Н. Хамитов

2009 жылғы 27 сәуір

Қарағанды облысы қорғаныс істері
жөніндегі департаментінің бастығы
Т. Б. Амангелдиев

2009 жылғы 28 сәуір

Қарағанды облысы ішкі істер
департаментінің бастығы
Н. А. Рахымберлин

2009 жылғы 30 сәуір

Қарағанды облысы әкімдігінің
2009 жылғы 04 мамырдағы
"2009 жылы азаматтарды
мерзімді әскери қызметке
шақыруды өткізу туралы"
N 12/06 қаулысына қосымша

Облыстық шақыру комиссия құрамы

Амангелдиев Талғат Бекмұратұлы	- Қорғаныс істері жөніндегі департаментінің бастығы – комиссия т ө р а ғ а с ы
Ибадилдин Жұмамәді Ибаділдәұлы	- Жұмылдыру дайындығы азаматтық қорғаныс, авариялар мен дүлей апаттардың алдын алуды және жоюды ұйымдастыру басқармасының бастығы - комиссия төрағасының о р ы н б а с а р ы
Шинкарук Галина Васильевна	- Қорғаныс істері жөніндегі департаментінің облыстық медициналық комиссия медбикесі - комиссия хатшысы
Комиссия мүшелері	
Әуезов Әміржан Таңатарұлы	- Қорғаныс істері жөніндегі департаментінің шақыру басқармасы бастығының орынбасары – медициналық комиссия төрағасы - дәрігер (келісім бойынша)
Сәдуақасов Төлеген Мергенұлы	- Денсаулық сақтау басқармасы бастығының орынбасары
Бөлекбаев Берік Сейітханұлы	- Ішкі істер департаменті бастығының орынбасары (келісім бойынша)